

Sarajevo, 08.02.2024. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema: Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo.

Da se uspostavi programa subvencioniranja postavljanja solarnih panela na individualne i kolektivne objekte stanovanja u Kantonu Sarajevo kako bismo potaknuli korištenje obnovljivih izvora energije i smanjili troškove električne energije za građane. Ova inicijativa ima za cilj smanjenje emisija stakleničkih plinova i promovisanje ekoloških inicijativa u skladu s ciljevima održivog razvoja.

OBRAZLOŽENJE:

Obzirom da se nalazimo u periodu energetske tranzicije, te da do 2050. godine moramo raditi na jačanju energetskog sektora zasnovanog na očuvanju životne okoline, smatram da ovakva inicijativa smanjuje ovisnost od fosilnih goriva, potiče prelazak na obnovljive izvore energije, a kako bismo u krajnoj instanci smanjili emisije CO2. Pored ekološkog apketa, realizacijom ove inicijative smanili bi finansijski teret građana, ubrzali donošenje odluke o prelasku na obnovljive izvore energije, a što bi za posljedicu imalo energetske efikasnost domaćinstva obzirom da bi se manje koristila električna energija iz mreže.

Podržavajući tržište obnovljivih izvora energije, program će doprinijeti ekonomskom razvoju kroz stvaranje novih radnih mjesta i poticanje lokalne proizvodnje. Korištenje solarnih panela kao alternativnog izvora energije smanjit će emisije stakleničkih plinova i doprinijeti globalnim naporima za borbu protiv klimatskih promjena.

Kako bismo ostvarili ove ciljeve, predlažem sljedeće mjere:

- Subvencioniranje postavljanja solarnih panela na individualne i kolektivne objekte stanovanja putem povratnih finansijskih sredstava ili poreznih olakšica.
- Edukacija i informiranje građana o prednostima korištenja solarnih panela i procesu apliciranja za subvencije.
- Saradnja s lokalnim proizvođačima solarnih panela radi poticanja lokalne ekonomije i smanjenja troškova dostave.
- Jasno definisati proizvod koji posjeduje certifikat EU i to paneli koji su prošli određene standarde i testiranja koja su potrebna kako bi se osigurala njihova kvaliteta, sigurnost i učinkovitost .

- Praćenje i evaluacija programa kako bi se osigurala učinkovitost i prilagodba prema potrebama zajednice.

Ovaj program bi mogao znatno uticati na postizanje energetske neovisnosti te smanjenju negativnih utjecaja na okoliš.

S poštovanjem,

Jelena Pekić
Zastupnica u Skupštini Kantona Sarajevo